

Abschriefft des Beschlusses D. N. L.

weren/ Seht sich dawider Johannes Hus zu Prage/ da er ein Prediger war in dem Kirchlein Bethlehem/ vnd straffte sie/ als hette solchs der Papsst nicht macht/ vnd thet daran/ vnd andern mehr stücken vnrecht / Vnd da er so weit sich verstiegen vnd verpredigt hatte / das der Papsst kündte vnrecht thun (welchs dazumal viel ärger Kezerey muste seyn/ denn so du Christum verleugnet hettest) da must er fort/ vnd diesen Spruch verteidigen/ wenn der Papsst ein Schalek ist / so ist er nicht from / Da schrien alle Säu wider ihn/ streuben die Borsten auff dem Rücken/ weketen die Rüssel/ vnd lieffen zusammen / biß sie ihn verrätherlich vnd bößwichtlich verbrandten / denn das war der höchsten Artickel einer/ der Papsst kan nicht irren / wie auch die *Jurisperditi* aus dem Rauchloch zu Rom sagen: *Non presumitur tanta Celsitudinis apex errare*, Man versihet sichs nicht/ das solches hohes Haupt irre/ mit solchem nicht versehen/ istis leider allzu gar versehen.

Sie haben ihn aber damit so keck vnd fremdig gemache/ daß sie so gar vngeschickt mit der Sachen sind vmbgangen so gar gröblich / greifflich / vnverschämpt ihm gewalt vnd vnrecht gethan/ denn ein Herr / daß sich für Gott vnd der Welt / einer That vnschuldig weis / macht dem Mann einen Muth/ geschichts aber vmb Gottes Willen / so ist der heilige Geist der Blöden Tröster da/ vnd hilfft ober/ wider alle Welt vnd Teuffel / wie der Herr Christus verheißt Matth. 10. Ihr seyt nicht die da reden / sondern der Geist wers Vaters/ der in euch redet/ Vnd Luc. 10. Ich wil euch Mund vnd Weisheit geben/ denen nicht widerstehen sollen alle ewer Widersacher.